

國朝畿輔詩傳

國朝畿輔詩傳卷五十六

長洲陶

樛臯薌輯

天津梅坊棟樹君校

王廷紹

廷紹字楷堂大興人繼耀子嘉慶四年進士官

刑部員外有澹香齋詠史詩一卷

鮑桂星咸舊詩傳楷堂由庶常改授主事滯秋
曹二十年兩與禮闈分校陳三元繼昌出共門
以員外郎終年五十有八貧而負氣傲睨一切
音吐宏亮所至驚其座人詩學少陵沈著痛快
性警敏多才藝斗室中雜蒔花竹狂歌
泥飲麗如也艱于嗣以姪汝弼子爲後
劉大觀序澹香齋主人沈酣于老杜三十餘年
以杜法詠史才雄力厚矯矯然別創一格如詠
劉子政云天祿書成亦自傷前遭恭顯後諸王
揚子雲云行年四十去成都七十纔爲莽大失

馬伏波云車中薏苡果明珠酬得扶風老將無
諸葛丞相云成都桑老帶秋烟回首隆中抱膝
年陸士衡云一聲鶴唳送輕帆不死兵戈卻死
譏徐孝穆云受禪文偏六代多才如孝穆奈時
何李白云唐家事業付汾陽詩酒隨緣到夜郎
裴晉公云老年不是愛優游帝室權都宦者收
司馬君實云洛中聽老杜鵲聲十五年纔返舊
京此以超脫之筆作起句者也詠吳季子云錯
落封疆鄉鳥啄摧殘骨肉歎魚腸伍子胥云故
國有人貪寵利深宮無計出嬋娟田單云墓無
完骨生人憤敵有功臣幼主疑蘇秦云富貴反
教勞父母貧窮原不愧妻孥張留侯云帷幄功
高方善病神仙事杳足消疑司馬子長云海內
故交無季布朝中知己獨任安東方曼倩云敢
弄公卿真骨力能誅寵倖卽神仙殿子陵云星
辰已動身猶臥日月能光手不扶來君叔云萬
炬影搖抽刀候一人悲勁奏書前馮節侯云河
山功業原邊樹風雨君臣竈下衣楊關西云老
臣忽迷甯寔怒保母猶興士太功管幼安云春
喧村落落先生井雪滿頭顱漢代冠嵇叔夜云

到死時猶未柳琴從援後已無聲魏鄭公云一
代風裁歸嫵媚武臣功過費評論武牧緒云未
忍朝綱歸母后幾曾羅織到神仙李鄭侯云獨
保皇儲無綺皓不教宿將似韓彭陸忠宣云賜
環詔下亡身後募格金懸失路時韓魏公云是
誰能釋宮幃怨竟有人彈社稷臣李少師云七
旬幸相悲南渡五國君臣泣朔風韓太尉云舊
古風波三字獄十年魂夢兩宮仇此以精警之
筆作對句者也詠王右軍云書法自然能入聖
丹心化出墨花香真永興云和詩不敢崇官體
一代元音正此人杜子美云千古江山饒涕淚
未陽南望渺愁余李西平云能保忠臣唯李泌
怪他仙骨自珊珊白太傅云入節灘頭無黨禍
自編長慶署瑤函此以悽惋蒼涼之筆作收句
者也神龍變化不可測度要皆取法於老杜得
其法則直書婉譬悉寓樞機且字字有光燄也
紅豆樹節詩話惜堂詠史詩起莊周迄倪瓚共
二百二十三首沈鬱頓挫議論所到筆力斬然
其自序云昔人謂作史宜兼才學識三長易而
為詠則有不能徑遂者矣樂府五七古可以已

意爲馳驟束之於七律又有不能徑遂者矣或
雪夜篝燈或冰晨呵管或發豪情于酒琰淋漓
之下或寄苦調於五更布被之中是非懼謬于
聖人歌泣欲通乎千載觀此可知其搜抉之苦
心也君性兀傲嘗以詼語忤司寇某公幾爲所
中同僚咸爲君惴惴君夷然不屑家藏古端硯
長七尺餘芸臺相國爲作歌曰王郎抑塞磊落
才端葉延我來秋齋籬脚黃菊立碧苔秋陰堂
下多強楷齋中一硯真奇材端溪七尺橫安排
以几爲匣髹髮胎紫雲綠雨摩幽崖平方正直
誰量裁羲之宅裏一片階任人十手執筆來儘
可一硯容其儕鏤墨無聲墨頓摧如蠟塗金膩
莫指曰非端川何石哉器大反與恒情乖楷堂
寶此休輕開神寒骨重勿受猜急須刻字銘硯
隈緇此硯亦不知流落何所矣

屈平

水滿湘潭蕙草春此間憔悴有靈均宗臣再放經三載

謫宦千秋第一人
令尹官高能蠹楚
離騷書冷不焚秦
後來景宋空詞賦
雲雨荒臺夢豈真

樂毅

昌國城邊蔓草荒
望諸臺上月昏黃
忠臣去國名誰潔
駿馬辭韋骨已傷
歸趙隙原生祠主
破齊功足答先王
郭隗死後無知己
書報空緘淚數行

春申君

秦雲遙接楚雲飛
也學邯鄲呂不韋
珠履競誇黃氏客
金釵密獻李家妃
書陳函谷功難沒
浦冷吳江魄未歸
嫪毐事偏存傳末
史公援筆意深微

賈誼

絳灌班高頌太平中朝無地著儒生三湘獨接離騷怨
四海咸聞痛哭聲作傳尙難登壽考投書原不到公卿
卻思夜半虛前席謫宦千秋感聖明

李廣

射虎歸來氣未消北平城外草蕭蕭鄙人不賦封侯命
飛將空生用武朝刁斗聲中程不識旌旗影裒霍票姚
酒酣尙自舒猿臂欲繫單于過灞橋

馬融

頌成西第媚梁侯書奏先將李固收腹有文章輕氣節

身經摧折學沈浮關中饑饉家仍在塞上髮鉗死卽休
可惜鄭盧諸弟子不將經術問清流

臧洪

恨壓雍邱舊戰場郡侯已死孰勤王孤城誓不降袁紹
六紙書應笑孔璋尸但枕戈皆漢鬼妾能飴刃卽軍糧
百年後有從游客晉代延之罵宋皇

北地王

近呼昭烈遠高光四百餘年祚竟亡劍閣軍聲猶動地
成都粟積漫盈倉由來誤國惟閹宦從此稱臣有帝王
獨上雲車東北望劉淵戈甲奮平陽

嵇紹

血色乾坤古蕩陰
忠魂長戀帝衣襟
六軍曾作長沙氣
一死能明叔夜心
馬可逃生誰侍輦
鶴甘鍛羽不歸林
佳兒早率門無祚
落日滎陽墓草深

劉琨

夜半愁心想晉陽
國仇親恨兩茫茫
賜來刀尙橫秋水
吹後笳應散曉霜
眼底蕭條餘部曲
尊前意氣託豺狼
祖生遠隔虛譏別
誰聽悲歌泣數行

傅奕

墓志親題卽諫章
山青雲白去茫茫
僧高但許愚西土

佛死何能葬醉鄉天子序方書索蘭佞臣身定產空桑
橫流二百餘年後獨有昌黎接瓣香

韓偓

誰繼離騷賦美人香奩詩裏淚痕新聽他烏雀悲君后
看到縗麻有相臣濮上莫談東內事少陽空寫故宮春
當年草制心如鐵肯與徐陵步後塵

歐陽修

碑建瀧岡又幾春文忠也是少孤人淚凝殘燭書曾廢
手撥寒灰字尚真海底蛟龍悲孝子朝中朋黨困儒臣
此身止合滁州老山水之間白髮新

黃庭堅

名壓張耒兼秦晁宜州再謫身飄飄鐵龍水沈沙浩浩
石牛洞閉風蕭蕭吟詩能工天欲妬作字不俗人爭啣
絕塵獨立萬物表道人奇氣干青霄

陳東

戮到斯人北宋亡城門開後朔風涼中朝偏又逢潛善
半面何曾識李綱碧血不埋新太學忠魂羞到古餘杭
德明同死還堪慰畱得飄然集一囊

辛棄疾

北來青兕懾同儕飛虎軍尤震兩淮朝內何人收鐵甲

袖中有表抗金碑生饒俠氣官頻改死奮呼聲墓不埋
當代莫嗤軒號稼西湖花柳費安排

謝翱

遙從天問接哀聲淚盡紅羊處處兵破碎山河勞信國
飄零骸骨託韶卿劍當許後人何在髮待晞時日不明
一硯其埋乾淨土幾曾揮筆記元貞

謝枋得

麻衣淚染舊山河餓到燕京淚更多正氣一樓懷信國
貞魂半碣認曹娥日沈滄海龍先去雲黯冰天鶴不摩
淒絕憫忠禪寺裏松濤竹籟助悲歌

元好問

落日蒼涼望蔡州
雪香亭畔淚橫流
興元敝政餘殘省
淮漢遊兵賸故邱
帝子魂歸烽火偪
孤臣身在典章留
一編實錄殊難借
拾取零箋到白頭

趙孟頫

論壽何曾到古稀
文章書畫總無譏
湖州賜第居原久
宋代參軍職較微
貂鼠裘溫三殿曉
杜鵑枝冷六陵非
孝經寫後王孫富
拜得沙門寶鈔歸

商載

載字仲言號重巖
大興人嘉慶六年
進士歷官

山西寧武府知府

題梁雅林哭母詩後

束皙補笙詩蘭咳奉滄瀝王哀廢蓼莪罔極悲無已至
情逢感觸所見各有以因詩徵孝思可識永言旨梁君
篤天性孺慕儼赤子春庭晨迸筍冰沼寒躍鯉鄉閭無
間言實惟至德美頻被公車徵卻聘終不起非不慕軒
冕念誰供菽水親在承色笑親亡積哀毀勉畱嗣續身
神廢形亦死積思苦吟淚血常盈紙讀之感人心實
足維倫紀方今 聖治隆德化周遐邇歸厚民俗
淳陳詩命太史敬以告輶軒采風莫遺此

焦景新

景新號午橋天津人嘉慶六年進士官江西饒
州府知府

和沈雲巢太史韻

早朝廿載聽鐘聲捧檄怱怱悵遠行政溯先賢稱勝地
學慚循吏寄專城空傳鄴嶺千芝秀謬許彭湖一葉清
風月誰談惟有酒最無聊處憶春明

查訥勤

訥勤字簡菴號雲舟天津人嘉慶六年進士官
陝西督糧道

八里橋途中

雙輪輾轉出京華
柳拂官堤日已斜
長笛淒清催月上
亂蟬聲裏雜鳴蛙

王有慶

有慶字善舟天津人嘉慶六年舉人官江蘇淮

安府知府有善舟吟稿

津門詩鈔善舟太守長身修幹襟度和雅少以文學受知于周棟材初願園兩先生敦孝友重交游莅官以慈惠化民去後人輒懷之

將任松江留別泰州

策名際昌期志不在簪組一官笑浮沈先後莅茲土敢

云治劇才終朝對文簿古來重儒術籩豆化椎魯虛堂
奏琴絃百里歌且舞夙昔抱此懷於今愧無補又聽驪
駒催尊酒兩番祖臨去重踟躕何者比召父

水鄉足禾稼恒抱饑溺憂洪湖偶溢溢千頃隨波流再
來撫凋瘵所見皆鵠鳩哀嗷起中澤湛恩無不周去秋上下

河俱被水災余奉檄來辦理賑務

皇仁感穹蒼億兆蒙其休秋

稻亦已種夏麥亦已收冷風翼清畝嫩雨滋良疇願爲
父老祝滿車兼滿籌

折獄非所長務欲平其情堂皇理案牘哀我蚩蚩氓如
何桑梓間乃作雀鼠爭長官乏教化蹙然心怔營秉燹

各有好安用撻與贖慎勿廢爾業慎勿荒爾耕毋觸牙
爪威胥吏多猙獰相期敦古處舍備樂昇平

海陵古名郡圖經惜叢殘百年考文獻蒐羅良亦難倡
予喜有和黎聚功將完編摩狗人意往往遭譏彈同志
慎商榷直筆嚴增刪泰堂月皎皎方洲水潺潺徘徊訪
遺址張觸傷離顏撫卷緬疇昔風流不可攀

李玉綸

玉綸字梅坡清苑人嘉慶六年舉人官涑水縣
教諭

題泰山十字碑

岱頂傳來十字碑珍同寸璧出滄湄神畱波磔銀鉤活
墨帶烟雲玉筍垂鄒嶧久無真拓本琅邪並此重臨池
他年若問升封事卽是承平作頌基

鮑克莊

克莊號禮安通州人琮子嘉慶六年舉人官肅
寧縣訓導有清穆堂詩集

秋夜

河漢耿微明高天夜色平西風吹月白詩骨入秋清流
水結遐想浮雲淡世情此心了無悶默默數蛩聲

楊遇隆

遇隆字晉占肅寧人嘉慶六年拔貢生官教諭

榆關懷古

一帶山城接海疆憑高望遠思茫茫將軍廟古平沙白
相國碑殘落日黃自昔英雄爭割據至今戎馬靜機槍
牧童猶說前朝事指點河西古戰場

李蘊

蘊字無蘊號青橋景州人景濤子嘉慶六年拔
貢生官山東泗水縣知縣有尺松齋集四卷

夏日同郭頻伽姚倫亭蔡芷衫莫愁湖泛舟分韻
梅雨炎蒸動積句納涼攜友泛芳津青荷接葉渾迷路

白鷺迎船不避人，杜若洲橫宜進酒。
鬱金香渺漫露巾，風流千古銷魂地。
假與吾曹定有神。

錢塘贈同年汪少海明府

簞笠蓑衣一野航，上清淪謫寄江鄉。
忠誠縱不邀荃諒，卑溼何容託鵬傷。
詩社暫教畱宿彥，朝廷豈肯舍循良。
報君努力加餐飯，臥起東山有薦章。

朱佩和招飲來青書屋

間道幽棲占藝汀，維舟此日履君庭。
竹穿壁入闌牀綠，岫對窗懸落枕青。
人似異書欣乍見，地如舊夢記重經。
沙鷗合狎眠雲鷺，爭不忘形醉醺醺。

得郭頻伽淮安幕中書賦答

饑驅淮水託諸侯
雞犬雲中總謬悠
秋盡山陽多落葉
西風吹上仲宣樓

芳草王孫不可招
大江南北枉魂銷
明春決計歸舟過
爲我開尊跨下橋

過揚州

掉頭一棹過維揚
不泛平山十里塘
社罷冶春人散盡
落花飛絮近端陽

魏宗白

宗白字庚瑞號玉泉南樂人嘉慶六年拔貢

有夢蝶詩草

秋夕卽景

秋村奄將夕
暝鵲噪西風
日落平林暗
霞燒野水紅
舟停蘆荻外
人語薜蘿中
坐久疎星上
蒼茫小市東

秋蟬

寂寞空齋裏
寒蟬噪夕陽
聲聲無別語
只道是秋涼

雨過

雨餘芳草綠
萋萋倚杖柴門
聽鳥啼風送
闌雲留不住
亂峯移過小村西

吳蔭松

蔭松字聯崖撫寧人嘉慶七年進士官河南襄城縣知縣

水仙

藐姑仙子下瑤京玉骨珊珊削不成幻作名花冰雪豔
移來綺几水雲清洛川香泛淩波影漢浦人畱解珮情
翠袂霜膚誰是伴相憐惟有許飛瓊

莫嵩屏

嵩屏號介山景州人嘉慶七年進士官雲南知縣

秋日漫興

讀罷離騷賦蕭然正閉門掃愁曾種竹蠲忿未栽萱淚
盡湘江水心傷楚客魂誰家吹玉笛嫋嫋入黃昏

周壽椿

壽椿字六泉晚號碌全河間人嘉慶十年進士

厯官山西蒲州府知府

紅豆樹館詩話六泉前輩漢書雜詠較之王楷
堂詠史諸詩才氣稍遜然亦溫亮和雅不失殼
率先是曲周張曉園比部旭欲輯畿輔詩鈔蒐
羅得四百餘家未竟其志遽疾而歿稿本盡歸
六泉六泉出守交李侍御廣滋侍御罷官後歸
儀部某公其人非知風雅者遂至燬棄今皆無
存矣

高帝

子弟從龍起沛城金刀運數應時亨能尊義帝名元正
得王關中業已成馬上功勳三尺劍鼎邊翁媼一杯羹
誰憐烏盡弓藏日渭水東流恨不平

慣用黃金買將心收來三傑定三秦一生得力陳平智
九死能逃項羽仁邱嫂那知封子日豔妻幾作滅劉人
大風歌罷歌鴻鵠兒女英雄淚滿巾

項羽

仗劍江東霸業昌英雄崛起少年場先聲到處降秦將
大度何心殺漢王壁上諸侯甘北面吳中子弟半戎行
沐猴莫笑思歸切富貴還須返故鄉

咸陽一炬太恩恩才得秦關又欲東壯士儘能經百戰
天心應是厭重瞳撞來玉斗忠何補吟到烏騅恨不窮
四面楚歌數行淚烟波江上起秋風

呂后

長陵寂寂九天昏永巷幽囚恨不伸蒼犬豈真能報怨
叱雞無那竟司晨全封兄弟窺神器未改山河仗老臣
從此臨朝多女后漢家作俑是何人

張良

一代君臣意氣投分封遇主總因畱遷都預定千秋計
借箸能彌六國憂半世功名黃石教暮年心事赤松遊

早知呂雉幾亡漢悔向商山盡力謀

韓信

三齊儘可定三分畢竟英雄重感恩一拜登壇真國士
終年垂釣亦王孫窮途枉激陳豨變臨死方思蒯徹言
莫謂千金能報德鍾離地下尙含冤

蕭何

咸陽金帛日紛紛老吏先收故府文幾卷圖書堪作相
全家子弟盡從軍風塵早識無雙士帶礪應居第一勲
不是東陵能畫策漢家未必肯容君

陳平

盜嫂貪金事可疑受恩應感魏無知智禽壯士心多詐
說動佳人計果奇謀國幾番調將相保身終竟脫艱危
男兒得遂封侯志記否當年宰肉時

文帝

庚庚入兆日重光庶子真堪繼漢皇勤儉兩言賢帝后
承平一代古成康劇憐宣室畱遺詔難免蘭臺議短喪
除去肉刑寬太甚史家猶自費推詳

賈誼

抱火常憂厝積薪漢家痛哭竟何人上書總爲分封計
前席徒勞顧問頻四月長沙悲鵬鳥三湘秋水弔靈均

懷才莫恨無知己終灌元非社稷臣

黷錯

劉氏安全竈氏危君家老父已先知干戈發難甘爲首
黨與無援更倚誰七國耽耽謀早決孤臣蹇蹇死何辭
漢皇畢竟孤卿甚歎息朝衣過市時

武帝

崇封岱祀嶽明堂樂府新聲十七章名馬有靈歌太乙
美人無命葬雲陽柏梁臺圯秋風吟思子湖空舊恨長
一事到頭終不悟瑤池青鳥恨茫茫

獻王德

詩書灰燼祖龍亡馬上功勲事未遑一代屏藩推大雅
千秋典籍仰賢王蕭蕭荒冢空秋草渺渺遺宮自夕陽
鄭重傳經遺烈在流風應其海波長

李廣

翩翩名將足風流刁斗何須警戍樓死痛三軍知飲泣
生經百戰不封侯空山射虎雄心在絕塞彎弓大漠愁
記過藍田曾抱怨灞陵亭畔恨悠悠

蘇武

仗節穹廬志不降歸來鬢髮已蒼蒼南朝浪說書傳雁
北海誰憐客牧羊屬國功名看畫閣全家骨肉變滄桑

那知雪窖冰天日兒女深情尙未忘

牛 霆

霆獻縣人嘉慶十年進士官四川永川縣知縣
秦蜀道中

窈窕千巖幻陰森萬壑幽
欄雲常帶雨寒谷暗生秋
莽莽蒼烟合滔滔積水流
林深飛鳥盡惆悵事清遊

徐 銓

銓號藕船大興人嘉慶十年進士官河南光州
知州有藕船詩稿

送呂華南同年應禮部試卽和畱別韻

年華荏苒計頻更兩載相逢又送行冀北定能舒駿足
汝南無復聽雞聲任評月旦來鄉曲莫墮風塵勸友生
笑我沈淪遊宦海清齋徒有膝琴橫

唐詮

詮字味經號小潛天津人嘉慶十二年舉人官
廣西知縣改宦遠州學正

夜

更深萬籟幽望月獨延佇山鳥不知名聲聲似人語

田文洛

文洛號雷門大興人志勤孫嘉慶十三年進士

官承德府教授有四銘堂詩草

懷鄭會山

潦倒近何似詩人自昔窮
負才凌繡虎乞食託雕蟲
春慣催人老花猶向客紅
關心上谷夜尊酒話飄蓬

懷孔霽峯

臘雪一爲別春風又欲闌
離歌從我賦古調向誰彈
名起人偏忌家貧客亦難
書傭羈定遠愁絕憶長安

聞耆英弟將遊山右淒然成咏

太室初歸又太行一鞭行色趁斜陽
愁中歲月予將老客裏艱難汝更嘗
千里月明燕市夢五更沙白雁門霜

黃河東下休回首九折寒流易斷腸

樵唱

一經芒屨踏翠微嵐烟和露曉霑衣入山陰雨出山霽
肩上白雲如絮飛

西湖口號

將軍欲醉黃龍府君相孰看西子湖無限繁華無限恨
六橋烟柳一株株

谷懷清

懷清號曉亭蠡縣人嘉慶十三年進士官刑部
奉天司主事有杏錦堂詩稿

卽事

黑雲黯黯值三庚
鳩婦枝頭屢喚晴
連日濃陰人兀坐
隔窗忽聽賣花聲

王 晁

晁字步玉號六橋寶坻人永芳子嘉慶十三年
進士官山西長治縣知縣有游盤詩一卷

題東竺菴壁呈妙明上人

選勝來東竺遊蹤暫一停
古松圓似蓋奇石立如屏
覽蹟懷名士當風坐小亭
勾留緣底事僧眼爲吾青

李大壯

大壯字賓士新城人嘉慶十三年

召試

舉人

黃金臺弔古

死馬喻生士待士如待馬至今賢豪人羞過金臺下

李珠光

珠光字夢崖天津人嘉慶十三年舉人有夢崖

草

病中口占

何處覓生涯匡牀一枕斜長貧裘盡做多病藥難賒破
屋晴飛雪寒風夜走沙蹉跎三十載空負鬢雙華

高以本

以本字貫珠號石琴大興人嘉慶十三年舉人
官江西高安縣知縣

題畫

清明有約屢攜尊得得閒來款鹿門指點前溪人不見
蹇驢行過綠楊村

王 綦

綦字香甫一字吾溪高陽人嘉慶十四年進士
官順天府教授有吾溪詩鈔八卷

歐聲振序香甫喜爲古詩聲韻鏗然其遇蹇而
志鬱然自有蕭然自得之趣流溢于楮墨之外

良鄉早發

茅店晨興早春鳩破曉晴新泥官路滑積雪遠山明旭
影浮層塔嵐光掩古城東風寒料峭轉怯袷衣輕

范陽雜興

幾處早鶯啼二間屋枕谿宿藤初引蔓春菊未分畦土
壁苔溼茅簷樹亞低樓榭隨意去更過石闌西
一雨山溪漲新流漫野塘嶺雲春似墨橋絮曉如霜聽
鳥來空谷題詩到上方平生耽野趣忘卻是他鄉
殘陽明晚照餘滴散輕陰野水移舟淺春泥沒屐深粉
粘沈憇蛭鈴護啄花禽小立芳洲外難爲望遠心

敲詩松樹下小稿寫平沙綠引穿籬水香傳隔院花身
閒容有夢客久漸如家已覺名心淡何妨玩歲華
東風楊柳陌誇酒自書旗聽鼓知村社看碑過古祠春
盤豐鉅牧野餉雜蒸糜一片錫簫好兒童解學吹
到來忘日月童僕轉相親俗異知鄉遠村荒稱客貧青
奴畱伴我黃耳解隨人壯志銷行盡書傭老此身

靜海道中

驅車復西下渡口問雙塘空野餘秋潦荒城半夕陽人
烟團白屋客飯煮黃梁前路堪投宿村醪醉幾觴

夜泊保定上牖

夢覺推篷望濃濃露氣清星河沈夜色蟋蟀亂秋聲半
世名緣了中宵旅恨生書香憑驥子飄泊苦無成

秋日書事

幾日東君別鶯花事已非燕先秋社去螢背夜燈飛落
拓安吾拙疎狂與世違柴門對溪水鷗鳥共忘機

李光里

光里字勉菴寶坻人嘉慶十四年進士歷官江
西吉安府知府有春熙堂詩一卷

陳運鎮序勉菴詩多得之舟車間大抵皇華原
隰兼訪配杖杜之思不煩繩削自與古會時出
鳥語新
吳標新

登金山寺塔絕頂

仙風吹我飄飄舉懷抱平生此際開水國雲霞連島嶼
禪宮金碧簇樓臺七層塔勢凌霄上四壁江聲動地來
無數青山歸腳底乾坤何處覓蓬萊

嚴子陵釣臺

山水風清絕點塵羊裘一著便終身先生誰可爲知己
文叔終難逼故人志士其成東漢局客星長照大江濱
釣竿落落垂千古世上浮沈漫問津

楊 鏌

鏌字蘭皋號澹人涿州人嘉慶十五年舉人有

翠雨山房詩鈔

小山園雜詠

西風收溽暑
寓目偶閒行
嶺斷雲隨補
岸懸樹倒生
晚涼欺病態
秋意淡詩情
勝負櫻心曲
牆陰蟋蟀鳴

西郭晚望

西風吹雨過
平沙洗出烟
村四五家斜
日半川人喚渡
一聲漁笛出
蘆花

于履謙

履謙字益齋
號香汀
天津人
嘉慶十六年進士
官河南通許縣知縣
有遊豫雜詠一卷

禹王臺

大梁西南隅崇臺屹然時聞說元圭在神禹畱故地憶
昔治水時聖躬九州履山櫟與泥橈勞勞靡所已足蹟
滿天下圭奚獨畱此想因河洛區中原據勝地龍蟠嵩
山環虎踞嶠邑邇特爲畱寶圭黃流鎮萬里存之作砥
柱金堤無傾圯微禹吾其魚至今梁民喜惜未陟其巔
細爲訪源委神器今在亡試詢采風史

紀樹榮

樹榮字桐豫獻縣人嘉慶十六年進士官內閣
中書有積雪亭稿

讀史閣部傳

殘局誰能苦盡籌閣臣開府鎮揚州早知僚佐無同舊
自信將軍有斷頭再世重來文信國一生長對左浮邱
山河破碎心終古氣湧江濤萬里流

高潮

潮字春江天津人嘉慶十八年舉人

丁丑下第道中作

雨餘生薄暖沙岸上桃紅烟絮一村柳雲帆十里風日
斜人影外春去馬蹄中吟興隨年減空嗟類轉蓬

朱棠

棠字蔭江天津人嘉慶十八年舉人

送王喬初明府枚需次山左

東國比多潦秋荒困未伸閭閻同赤子利濟屬儒臣
待賢良急君當被濯新莫辭勤撫字好答九重仁

劉庚

庚字少白慶雲人嘉慶十八年拔貢生有少白
詩草

晚泊

寂寂秋山月清光傍水涯荒村生野霧歸雁落平沙
綠樹停舟處紅燈賣酒家何人吹短笛一曲落梅花

揚州憶舊

楓冷吳江客路遲
笛聲雁影雨絲絲
重來又入揚州夢
不似春風被酒時

一曲紅橋隱釣船
數行楊柳尚含烟
隔溪又聽吳娘曲
自別江南已二年

王瑞徵

瑞徵字甫田號紫瀾撫寧人嘉慶十九年進士
歷官貴州按察使有滇黔吟草

鄧亭早起

長夜客無寐侵晨衣有稜
吟情濃似酒旅况冷于冰
聲

斷重門柝光殘一穗銓主人應識我七度舊行滕

登黃鶴樓

滾滾長江一帶橫武昌城對漢陽城羣山翠向層樓湧
萬戶烟隨兩岸平豪傑勛名流水去神仙蹤蹟片雲輕
登臨不爲招黃鶴遠樹閒花自有情

春夜

自煨鑪火試新茶小閣書聲祇一家坐久不知更漏盡
滿庭明月讀南華

邊九鑒

九鑒字巨峯號時齋任邱人思訥子嘉慶十九

年進士官天津府教授有時齋詩草四卷

任邱縣志九整刻苦爲學自經史諸子唐宋以來詩古文集旁及叢書勝說無不研究貫穿窮其底蘊學者翕然宗之戊申舉孝廉甲戌成進士選天津府教授清正嚴介爲士大夫所推重上官察其品學欲調補順天府

教授而已遭疾告歸卒於家

邊浴仁先府君行述府君生而岸異八歲通九經乙未補縣學生學使者爲少司空湘潭羅公

源漢奇府君文逢人卽咨賞不置戊申

恩科舉於鄉房師爲監察御史曹公錫寶曹公

上海人嘗疏劾和珅家人倚勢僭擬直聲震海

內 睿皇帝登極追贈副都御史者也丁

巳祖雲鶴公卒辛酉祖妣吳太孺人卒府君哀

毀柴瘠遂閉戶卻掃刻意力學凡羣經注疏歷

代諸史百家雜說靡不研覽旁及天文醫藥風

角占筮諸書探賾索隱盡通其術嘗論正統謂

漢唐以後海內分裂莫烈於五代正統不明亦

莫甚於五代後唐雖賜姓然能爲唐滅梁報仇

卽當以正統予之如照烈之於獻帝朱溫本黃
巢餘黨凶狡篡弒宜黜爲亂賊晉漢周三代亦
草草竊位享國不久俱宜黜歸罔統而北宋
繼後唐如西晉之於蜀漢則正統有歸亂臣賊
子知所做惕自來論正統者不一如楊廉夫魏
叔子初不及此本朝宋寶額洪虞鄰少少見
及而所言不暢皆昧於薛氏五代史歐公五代
史記朱子綱目在前不敢遂申公論也甲戌會
試中式進士殿試三甲賜同進士出身
身歸班侯選知縣請改教職乙亥青縣人士聘
主永安書院府君嚴讀書作文法立勸學規條
甄核人物甲乙文藝文風士氣一變舊習壬午
選天津府教授津郡文廟舊設祭器率列敝損
壞府君請於金文波觀察洙鳩工庀材重加增
補舊存諸器制度或簡易不斬於古府君遵依
大清會典所載參以陳氏禮書聶氏禮圖闕
里志諸書繪圖仿製天津文廟祭器遂古雅堅
緻復其舊觀乙未春患腹疾未卽愈光栗園方
伯檄來以順天府教授缺出欲府君調補時歸
意已決遂於六月移疾歸里卒年七十有七

題張柳洲都轉所摹韜光觀海圖印步原韻

卷首有雙

鈎劉文清公韜
光觀海圖字

髫齡陟太行
曉呀衝亂石
襟袖拂烟嵐
輪躡盪蒼碧
山腹蒸深青
林梢靄淡白
煦息五十秋
追思猶歷歷
今披

此圖畫所見異疇昔昔經驛路塵今覩蓬瀛蹟樓閣紫
雲深松篁翠烟積地迴隔塵凡境難辨仙釋知君摹此
寫放筆興酣適直可壽乾坤豈止娛朝夕晴窗頻展讀
悄恍動心魄峯巒縹緲波濤互噴激潮聲撼招提海
日翻峭壁何期塵壑人忽睹飛仙宅雙鉤文清書神姿
倍霍奕風雲人毫素書畫兩無敵蓬萊有靈境梅戀冠
裳赫便擬策杖來從君占瑤席

泊新橋

野岸帆初卸荒村酒自沽秋風漁埠冷落日客船孤遠
火時明滅寒星乍有無鐘聲來古寺疑是到姑蘇

夜雨

高齋秋似水淒咽草蟲鳴斜雨侵窗夜回風落葉聲牀
空人伏枕蛩暗鼠窺檠耿耿愁無寐銅街下四更

歲暮李琴川自都歸見過賦贈

抱璞歸來客風塵又一年知交惟我共飄泊有誰憐白
酒論詩夜黃雲釀雪天明朝策蹇去握別意茫然

舟曉

維舟依枉渚不寐聽荒雞風雨崇朝霽魚鰕小市齊亂
帆迎曉日一棹下寒溪且喜同舟客分吟韻各攜

保陽遊蓮花池

張柔傳舊蹟開鑿幾經年山樹千章合池冰一幘圓危
橋低駕石高閣迴浮烟蘿洞藏幽處空明別有天

冬夜

雪壓茅檐月滿窗乾坤清氣沁詩腸耐寒只有梅花影
一夜橫斜凍不僵

高蘭孫

蘭孫字奕光任邱人嘉慶二十一年舉人官四
川汶川縣知縣

送吳愚谷南歸一百韻

荏苒經春別相思屢臥病西窗纔翦燭南浦又興歌憶

昔年華小同遊海市離斑衣儂宛轉卽髮爾鬢髮天與
聰明業人憐甯令哥傾心靡蘭久避面尹邢多媿自吟
巴郢欣教附薦蘿高門攀顧陸素履盼羊何元夕春鐙
鬧通街淑氣和瞥看銀鹿進喧報石麟過果爾超諸阮
鏘然號小坡長源仙骨脫雕武玉顏嗟了了談微中殷
殷手重摩居停嫌間隔丰采羨巍峩條歎音塵判因驚
歲月蹉行蹤蓬任轉心事縷難覩樂令環方賜楊公竭
忽磨有才摹治譜無計調讒囹枉遣時苗犢空餐蔡搏
茄深文困鉗網弋獲墮矰罽城旦淒沙漠滄桑幻刹那
不歸生定遠誰召老廉頗此際傳消息知君正坎軻呱

呱啼弱妹黯黯病支婆嘗藥愁呼姊牽衣苦戀廢金盤
朝露溢瑤島夕陽甦且喜承椿蔭無須歎蔗柯 堯階

光日月潘縣耀絲紇拔宅南遷越趨庭北渡河還鄉經
浙水訪臧泛淮渦鶴署修溫清螢窗努刮劂客來推仲
舉友至喚僧伽英望馳鴻藻良緣啟鳳窠黃堂邀月老
碧漢接星娥呂範風姿儒義之腹筭瞻箕裘縣往澤風
雅譜行窩獨我貧爲病三生恨未瘥纖毫澀江管陋巷
窘顏籬驟慶攀芹藻旋悲廢蓼莪悽惶啼孝水匱匠鎖
愁魔侯喜安窮薄虞翻嫉嬖嬰家聲視王謝世態昧朝
鮐懷寶徒披褐求經那煉堦左支難貴洛蕭聘不傳倭

昨歲逢明試微名列細塵鹿鳴陪勝侶鯉化望餘波
正藍衣染翁方紫綬拖桂華慙賸馥苕菜許新哦
下達先投牘征輪亟轉輞黃沙驅涿鹿白浪濟滹沱
古驛風慄慄雄關石礮礮竭來官閣畔高倚泰山阿
射目屏開雀齊眉案映蛾偉人欣再覩故態認無
譌頓覺精神契全捐禮數苛爪泥憐邂逅塵夢感蹉
跎旣結情肫摯兼通業切磋夜寒衾共覆宵咏筆雙
呵意氣盟嵇呂文章辨隸蚪抽思精乙乙稽古勇
番番詩律諧絲管詞場整鵝鵝談深焚寶篆坐久
翦銀荷賦斫金盤鱸濃煎翠金駝麴塵傾酒盞雲
乳滸茶鍋簾卷東風峭軒罪朔雪傴

微吟誇旖旎淺醉笑傀俄
籃筍同昇輜連錢並策驪
陌頭迎寶鼓城外逐春儺
劍匣奚奴擗琴囊瘦馬馱壯會
矜舞蔗閒或戲拋塙雅調徵如此淵衷矢匪他一朝赴
京洛幾月隔山河教胃容編籍匡居未綰綬因思故人
好重度太行嵯賓榻初登座陽關忽裂適勝遊辭晉水
歸路指嘉禾別淚揮斑馬愁懷泛白醪長亭驪乍唱古
岸柳頻搓祖帳愁如墮離筵悶不酤涼飈懷素簞冷日
淡金鑼桂樹青山暗挑潭綠水過江雲飛浩渺嶺霧散
逶迤杳杳催征雁棲棲跨蹇騾前情徵懇款後會戒欺
詭願詡光弓冶休誇戀軸邁瑜瑾常砥礪緱劓亟接抄

轉瞬春秋榜揚鏤甲乙科蓬瀛登最巖渤澥掣鯨鼉鈴
索通閭闔霓裳列大羅奇聞搜壯武夙慧證曼陀報國
儒生筆傳家刺史韡美名孚素望滕口謝羣訶自笑淪
糲櫟無才隱笠蓑官坊荒錦繡農圃老烟莎婞直須申
謦單寒蓑怯梭光儀雖契瀾芳躅尙睇睺別恨濡青管
清尊餞碧玻空貽繞朝策難駐魯陽戈目送翺霄鶚情
深測海螺他時瞻紫戟猶願侍鳴珂

李長峯

長峯字湘南深州人嘉慶二十二年進士官工
部主事

題王虛中焚椒錄

金水荒寒咽不流
燕支誰浣故宮羞
滄桑賸有詞臣在
獨抱殘編哭白頭

當年寵遇號專房
國色何須時世妝
寄語天潢諸命婦
貴家風範在端莊

綠衣黃裏事堪嗟
永巷三年望翠華
一閱同心誰願曲
枉將幽怨訴琵琶

金屑檀槽字字哀
後宮爭唱紫雲回
梨園縱預霓裳譜
那有昭陽赤鳳來

賺將妙楷寫鍾王
點甚蛾眉進十香
一幅冰綃冤獄具

九天何處叩雲間

玉柙珠襦祔慶陵他年典禮慰芳靈不然滿地紅心草
應共明妃冢上青